

Die Kerk

Bybelstudie 1: DIE KERK SE KENMERKE & EIENSKAPPE

BYBELSE VERWYSINGS

Dit is die Kerk van Jesus Christus (histories)

Jesus word al vir eeue ervaar en geken binne sy Kerk. Hy het met sy eie bloed betaal vir elkeen wat in Hom glo, omdat Hy die Kerk versorg soos 'n man sy vrou moet versorg. Hy het belof – *Daar waar twee of meer in Sy naam vergader, Hy teenwoordig sal wees!*

Dit is die gemeenskap van gelowiges (universeel)

Dit is die kerk van alle eeue – verlede, hede en toekoms. Dit is die Kerk van verskillende mense en kulture regoor die wêreld; verenig in een Heer – Jesus Christus. Dit is 'n diverse Kerk met verskillende eienskappe, talente en temperamente; verskillende ouderdomme en ervaring – jong en ou dissipels is welkom in die een kerk.

Dit is die eenheid van die Gees (spiritueel)

Paulus skryf dat Heilige Gees die Kerk verenig. Eenheid in die Gees is meer belangrik as verskillende tussen groepe en denominasies. Gelowiges moet dus werk aan eenheid in fokus, maar nie noodwendig aan eensoortigheid nie.

Die Kerk se outoriteit/gesag is God se Woord (skriftuurlik)

Deur die eeue is dit die Skriftelike Openbaring(s) wat die basis gevorm het vir die kerk se geloof, belydenis en stabiliteit. Die kerk word opgeroep om hierdie openbaring(e) te verkondig te verdedig en gehoorsaam te wees daaraan. Die kernboodskap van die Skrif is duidelik – ons redding is gesetel in ons geloof in Jesus Christus en ons dankbare lewens wat ons oortuiging bevestig.

Die Kerk se program/werk en opdrag is wêreldwyd (internationaal)

Die werk van die kerk is die werk van Christus – om die Goeie Nuus aan almal te bring wat dit moet hoor en om die onderdrukte te help. Jesus se opdrag na sy dood is duidelik – die Kerk moet sy missie na die wêreld gaan voortleef!

Die Kerk se bestemming is die hemel (ewigheid)

Die Kerk bestaan en leef tussen twee gebeure – dit kyk terug na die geboorte en lewe van Jesus Christus en sien uit na Sy wederkoms. Die kerk bestaan en leef met die wete dat Christus 'n tuiste voorberei vir Sy kinders en op 'n sekere dag (wat net God weet wanneer dit sal wees) sal die trompette basuin en sal die Kerk (as bruid) verenig word met Jesus Christus (die bruidegom).



Die Kerk

KERN GEDAGTE(S)

Die Kerk van Christus is die hele gemeenskap van verlore mense – ons is almal dissipels en kinders van die een Jesus Christus. Christus is teenwoordig en aktief in die kerk en gebruik die Kerk om sy werk vandag in hierdie wêreld te doen.

Die Bybelse beeld van die Kerk help elke Gemeente om die regte prioriteite, missie en diensbaarheid voor oë te hou. Dit is ook 'n maatstaf om te onderskei tussen ware en false kerk(e) en sektes.

BYBELSTUDIE : Efesiërs 2:11-22

Efese was 'n belangrike kulturele, kommersiële, politiese en godsdienstige sentrum. Paulus het die waarde van hierdie stad en gemeenskap erken – dit was 'n strategiese sentrum om die evangelie van Jesus Christus te verkondig na die uithoeke van die Romeinse provinsie “Asië” (vandag westelike Turkye). Dit was essensieel 'n heidense gebied, maar dit het 'n sterk groep Jode gehad. Die brief aan die Christene in Efese hou groot betekenis vir die Kerk vandag in – dit leer van leer van die Kerk as God se nuwe gemeenskap en hoe dit Kerk in so 'n vyandige gemeenskap kan floreer.

1. (v 11-13) Hoe groot was die skeiding tussen die heidense 'gelowe' en die Joodse verbond? Wat was die een faktor wat moontlik eenheid kon bring tussen hierdie twee groepe?
2. (v 13-18) Wat was Christus se doel? Wat het Hy bereik?
3. (v 15) Dit is duidelik dat Jode nie heidene word nie, en heidene nie Jode nie. Hier word van *een nuwe mensheid* gepraat. Watter gevolgtrekking(s) maak jy vanuit hierdie gedeelte? Watter betekenis het dit vir ons Gemeente?
4. (v 19-22) Beskryf die verskille tussen 'n heidense tempel (van Artemis) en gelowiges in God se *heilige tempel*.
5. (v 13-16) Hoe verstaan jy hierdie verse? Wat is ons taak in Christus? Som dit in een woord op.

